

fit. Unde eclipsis illa non Metagitionis IV, sed V. deberet congruere. Sed hæc fortasse leviora. Illud gravissimum *metagitionis*, quod Plutarchi mentem adeo finistère accipit.

Quod vero subjicit, ne ipse quidem intelligere potuit. Annu, inquit, erat *Periodi Olympice IX*. Ut autem Neomenia Hecatombæonis incidat in X. Julii, non nisi anno IX. *Periodi contingere possit*. Quæ est ista ratiocinatio? An enim Hecatombæon illius anni decimo Julii convenire debuit? Atqui in XXV. Julii cadere paulo antè docuit: Metagitionem verò in XXIV. Augusti. Erit igitur XXXIX, aut LXIV. annus *Periodi*; quibus solis annis Metagition in Augusti XXIV. diem incurrit: non erit autem IX, quo anno Hecatombæon X. Julii, Metagitiona Augusti IX. competit. Quam esse porro falsum illud, & insubide pronuntiatum, Neomeniam Hecatombæonis non convenire in diem Julii X, nisi anno IX. *Periodi Olympice*. Vide diagramma Neomeniarum *Periodi Olympice*. Invenies quater omnino Hecatombæonem à Julii X. die incipere, nempe anno IX, XXVI, XLIII, & LX. Deinde cur usitata illa, & de constituta methodo non utitur; ut ex Novilunii die quotus sit annus Tetraëteridis investiget; indidemque colligat quot Cyclis alterutra alteram antecedit; ut in Attica factum est? Hoc enim modo cum in XXVII. secundi mensis, id est Metagitionis, Plenilunium convenerit, Novilunium commissum erit mensis Tetraëterici XIII; quod in nullo Tetraëteridis mense contingit. Verumtamen anno tertio Tetraëteridis Novilunium Metagitionis XIV. competit, quod abest proximè. Erit igitur annus quartus *Olympice Tetraëteridis*, Syracusanæ Tetraëteridis tertius: ideoque primus *Olympice*, quartus erit Syracusanæ. Unde etiam uno cyclo sese invicem antecedit, hoc est annus unius XX. erit primus alterius.

Hæc, ut in rebus commentitiis sibi constaret Scaliger, de Syracusanæ, & *Olympice* *Periodo* tradere debuerat; quemadmodum in Attica, ceterisque fecerat. Quod etsi fecisset, nullam tamen operæ pretium inde nactus esset: quoniam ex falsis principiis non nisi falsa colliguntur.

Addit in fine Scaliger *Periodum Syracusanam* ab Archimede postmodum illustratam esse, additis mensibus Calippicis, edito ea de re libro, cum fabrica spheræ; cuius *Periodi* meminisse vult his in versibus Poëtam:

In medio duo signa Conon; & quis fuit alter
Descriptis totum radio qui gentibus orbem;
Tempora qua messor; qua curvus arator haberet?

Orbis, inquit, hic *periodum* significat, & per alterum hunc Archimedem intelligit. Sed hoc insulsum est. Nam neque *periodus* ulla Syracusanæ fuit: & orbis non aliò, quam ad terram, mundique descriptionem refertur.

DE PERIODO LAONICA.

CAPUT XXXVI.

Scaligeriana commenta discussa. Ex lib. I. Pag. 55.

ADÈM est, inquit, Tetraëteris Laonica cum *Olympica*: sed *Periodus* Laonica XII. annis antecedit *Olympicam*. Quod ita demonstrat. Anno tertio *Olympiadis* LXXXIX, sub finem hiemis vere ineunte, fœdus annorum quinquaginta inter Athenienses & Lacedæmonios itum est. Hoc Thucydides accidisse narrat Artemisii περὸς Θίοντος apud Lacedæmonios, id est die mensis XXVII: Athenis verò Alcæo Archonte Ελαφβολίανος ἐκτὸς Θίοντος, id est XXV. die. Erat annus *Periodi Olympice* II. Atticæ XIII. Elaphbolion XXV. Martii. Proinde Artemisius Laonicus cœpit XXVII. Martii. Hoc autem in *Olympica* *periodo* non contingit, nisi anno XXXVIII, aut LXIII. Sed non congruit cum XXXVIII, quia is est annus Tetraëteridis secundus; hic verò est tertius. Ergo annus Tetraëteridis Laonicæ idem est cum anno *Olympicæ*: atque adeo XII. addenda annis *Periodi Olympice*: ut habeas annum Laonicæ. Sed non propterea, inquit, congruerit Cyclo. Quare hæc ignota sibi esse concludit. Quoties in istiusmodi *periodos* studiosus lector incidit, hoc subin-

de apud se cogitare debet, nullas omnino tales *Periodos* à Græcis civitatibus ad usum popularem adhibitas, adeoque multis modis absonas, ac ridiculas esse. Quod semel à nobis supra demonstratum, ad omnia, que deinceps in hoc opere de *Periodis* istis traduntur, confutanda pertinet. Nunc ut propius Laonicam ipsam *Periodum* oppugnemus; primum illud inficiamus; Elaphbolionem Atticum XXV. Martii anno illo congruere. Ut enim hoc verum sit, certò ea constare debent, ex quibus tamquam principiis deducitur: nimirum Athenienses civilem annum habuisse cœclix. dierum; cuius menses tricenarii forent. Tum verò annum XXXIX. *Olympicæ* *Periodi* esse primum Atticæ. Quæ duo cum supra à nobis eversa sint, hoc verò posterius ex perpetram intellectu Plutarchi loco conclusum sit, futilis est instituta *Periodorum* hoc in loco comparatio. Ad hæc licet ambo illa fundamenta certa, & stabilia sint, non tamen his erunt contentanea, quæ sequuntur. Unde enim arjolatus est annum illum, qui est Tetraëteridis *Olympicæ* tertius, perinde & Laonicæ tertium esse? Qui quidem cardo est mendacissimæ ratiocinationis. Etenim fieri potest, ut cum *Olympicæ* Tetraëteridis tertius foret, Laonicæ tamen esset primus, aut secundus, aut quartus. Neque enim Novilunium ullum est, ex quo quotus in Tetraëteride fuerit divinare liceat. Cur igitur non sit annus *Olympiadice* *Periodi* XXXVII, nullam causam reddidit. Atqui lunares isti menses sunt, non tricenarii. Cum autem Laonæ à conculata lune effigie, sive à tertio die Neomeniam auspiciarentur, inde factum est, ut XXV. Attici Elaphbolionis dies, sit Artemisii XXVII. Ubi vides bido Laonicas Neomenias, & Atticas motari. Quod cum in prima editione tenerit, in hac posteriore distulavit, ut nos usitatis illis *Periodorum*, ac Tetraëteridum fabulis implicaret. Denique quod hic statuit, *Periodum* *Olympicam* duodecim annis anteriorem esse Laonicæ, contradicit ei, quod pag. 39. edixerat, *Periodos* omnes differre annis vel XIX, vel XXXVIII, vel LVII, id est uno, duobus, aut tribus cyclis. Vides inconstantiam.

CAPUT XXXVII.

De *Periodo Samiorum*. Lib. I. Pag. 56.

ARISTARCHUM Samiis *Periodum* instituisse cœptam ab anno I. *Periodi* primæ Calippicæ censet Scaliger: quod ex eo collegisse videtur, quod, ut refert Ptolemæus I. III, Aristarchus illo ipso anno, qui in annum Per. Jul. 4434. incidit, æstivum Solstitium apprehendit anno Iphiti XXXVI. desinente, *Olympiadis* XXXIV. anno exeunte quarto. Hinc igitur *Periodum* suam auspiciatum esse censet Aristarchum, ad eamque Calippicos menses applicasse; donec, inquit, annis postea LVII, Conon popularis Aristarchi factos edidit, & parapegmata, hoc est τὸ ἀνορθῶν ὑποκαταστάσεις apposuit. Quod Virgilius significat.

Sed hæc omnia divinantur à Scaligero, & auctoritate nulla probantur. Quis enim mortalium docet Aristarchum ullam instituisse *Periodum*; aut verò à Samiorum populo receptam? Quis, ut instituta sit aliqua, ejus initium ab anno illo, quo Solstitium observatum est, accessitum esse demonstrat? Omnia id genus commenta è superioribus evanescent. Simillimum est aliud, quod eodem capite subtexuit, reliquas omnes civitates suas habuisse *Periodos*, & omnes τὰς ἀνάγκης mensi ultimo Autumnali adjecisse: nec obtare quod magilltratus alii aliis temporibus creari solerent: Etenim II. menses, inquit, erant lunares περὶ τριάντας. Sic Polybius lib. IV. de Eto- lis. τὰς β' ἀρχαίαιος ἀπὸ τοῦ ἡμῶν ἐπὶ τῷ φθινοπωρῶν ἡμῶν, ἅρα καὶ ἡ πρὸς τῷ Πλειάδος ἡμῶν. Ubi illud πρὸς notari jubet; quo significatur non semper eo tempore creari solitos, sed sine dubio ante brumam ἐν τῷ ἡμῶν ἡμέρας. Græcis hæc omnia disputantur, & solo fingentis arbitrio *Periodi* omnes istæ, cum diebus ἀνάγκης, & lunarium τὰς περὶ τριάντας à popularibus discrimine, niuntur. Quare ut in comminiscendo audax est Scaliger, ita nos in negando eo, quod ab illo ponitur, vel probatione ejus aliqua postulanda, pertinaces esse debemus.

CAPUT XXXVIII.

De anno Græco Herodoti, cuius *Scriptoris auctoritas* à Scaligeri calumnia vindicatur. Ex lib. I. P. 57.

HERODOTUM vehementer exagitavit Scaliger, quod de anno Græco agens scriperit post biennium absolute intercalari solitum; ita ut secundus annus haberet dies cœcæ, & omne biennium dies deci. Affirmat enim annum Græcorum esse dierum cœclix, & LXX. annos constare diebus 25200, si intercalatio non intervenit: additis autem mensibus intercalariis XXXV. περὶ τριάντας, qui sunt dies 1050, confert summam dierum 26250. Herodoti verba supra cap. IV. produximus. Sed hoc Herodoti dictum valde reprehendit, & ejusmodi esse dicit, ut non solum propter absurditatem explodendum sit, sed etiam tamquam temerè pronuntiatum prætereundum.

Atqui mirè perplexus, & suo more inconstans est Scaliger. Etenim cum in Herodotum accerrime sit inventus; postea tamen sub finem cœ delabatur, ut ex Gemini auctoritate, eandem illam, quam oppugnavat, anni formam fateatur usi aliquando receptam. Quid igitur commisit Herodotus, ut tam severa animadversione castigaretur? Utri potius adhibenda fides est? Antiquissimo *Scriptori*, historici parenti, & quod caput est, Græco, ac Græcis suis scribenti; an recentiori isti conjectori, qui vetustissimis, ac peregrinis de rebus contra eos ipsos, à quibus didicit, pronuntiare non veretur? Quis autem Scaligerianam mentem expiscari possit? Postquam enim Herodotum explodit, qui ejusmodi formam anni Græcis usitatum esse dicebat, cumque absurde, ac falso scriptum illud statuisset, subinde velut eorum, quæ dixerat, oblitus. Sed tamen, inquit, non nego antiquius eam anni formam in usum fuisse: præsertim cum Geminius accuratissimus *Scriptor* idem refertur. Si igitur hæc anni forma quondam in usu fuit; vera sunt quæ Herodotus affirmat; nec Herodotus solum, sed qui ab eo istud accepit, Geminius, itaque Censorinus; uti supra declaratum est in Diatriba de anno Græcorum. Quo in loco Græci anni genus Herodoteum ex istis auctoribus explicavimus. Cum enim Græcorum antiquissimi lunarem annum, ut erant tum radiora tempora, iusto longiorem usurparent, ac tricenarios menses singulos statuerent, & altero quoque anno intercalarent solidum, ac tricenarium mensem, eorum postea ad usque tempus Herodoti, saltem in aliquibus civitatibus, eandem anni dispositionem, ac formam retinuerunt. Quamquam certum sit dierum aliquot exemptione paulatim annum suum castigasse, coque modo τὰς ἀέρας, id est tempestatibus consuluisse, quasquidem

ad eandem metas, unde erant profectæ, quantum illorum captus ferebat, revocare cupiebant: etsi propter lunaris, ac solaris motus inficitiam longius aberrabant. Vide quæ illic pluribus exposita sunt.

Redeo ad Scaligerum, qui injuriâ sanè infectatur Herodotum; eundemque nihilominus postea vera scripsisse confirmat. Sed quibus tandem argumentis refellit? Scribit, inquit, Herodotus, ἀέρας ἔτασαν post secundum quemque annum intercalasse Græcos. At ἀέρας ἔτασαν non opus erat tertio quoque ineunte intercalare. Verum perperam sanè facit Scaliger; dum antiquos illos ad exacta solaris anni ratiocinia revocat. Quippe vel lunaris anni solius in Trietride sua rationem habebant, vel solarem perinde annum iusto longiorem statuiebant. Sed probabilis est Trietrides, quibus tum usos esse Græcos Censorinus auctor est, ad lunam solum conformatas fuisse, & dierum aliquot exemptione, atque omissione fortassis intercalarium, civilem annum ad metas suas esse revocatum. Atque ut absurdissime falsissimeque ista scriperit Herodotus, cur ea probantur à Scaligero? Cur secum ipse confligit? Ponamus, inquit, Græcos hoc factitasse (ut non negamus potuisse fieri) ac tertio quoque anno ineunte tricenarium mensem intercalasse: non igitur ἀέρας ἔτασαν. Si non ἀέρας ἔτασαν, ergo non fiebat omnino. Nam omnis intercalatio fit ἀέρας ἔτασαν. In his manifestissima est pagna. Nam si omnis intercalatio est ἀέρας ἔτασαν: veteres autem Græci ἀέρας ἔτασαν intercalare non poterunt, non poterunt formam illam usurpare; quod tamen fieri potuisse non negat, & sub finem capitis propter Gemini auctoritatem ultro concedit. Contradicit ergo sibi metipsum, & disputationem suam implicat. Neque conjectura illa, quam affert, Herodoteæ hallucinationis probabilis est, cum annus diebus constaret cœclix, & menses æternis pleni essent, atque cavi; quod nihilominus in omnibus ἡ τετρακτὰ; numeraretur, perinde omnes habuisse, ac si revera tricenarii forent. Hoc, inquam, à Scaligero dici minime convenit; qui civilem Græcorum annum non lunarem, dierumque cœclix, sed cœclix. fuisse pertinacissime defendit. Sed de anno Herodoti, & priorè libro hætenus.

Epilogus Libri primi.

DEMONSTRATUM est igitur hætenus falsam, & commentitiam esse anni Græci formam, ac Tetraëteridum dispositionem, necnon *Olympicam*, Atticamque *Periodum*, ac quicquid in Atticorum mensium serie novi à Scaligero repertum est, unâ cum Macedonica *Periodo* duplici, æstiva, & autumnali: tum verò *Periodos* ceteras, Bithynicam, Delphicam, Thebanam, Syracusanam, Laonicam, ac Samiam confictas esse: Herodotum verò frustra, & injuriâ vexari: quæ sunt Capita Libri primi.

Quicquid igitur in Libro primo de Emendatione temporum editionis utriusque, & in Isag. Canonibus de annis Græcorum popularibus, & *Periodis* novum, atque à se primum repertum atulit Scaliger, hoc omne falsum, & commentitium est. Quod erat demonstrandum.

PROBLEMA LIBRI II. DE DOCTRINA TEMPORUM.

Quicquid in Libro secundo de Emendatione Temporum editionis utriusque, nec non in Isagogicis Canonibus Lib. I, capitibus VI, VII, VIII, IX, X: & Libro III, capitibus VI, VII, VIII, IX, X, novum, & ad communem, ab aliisque traditam doctrinam additum Josephus Scaliger explicavit, id omne falsum, aut temerè affirmatum, & commentitium est.